



The Makuilongdi Express

Liangmai Daily Newspaper

“ Mazibo niu ngamne”



Manipur maipui riliu Strela Luwang niu Femina Miss India 2023 gu subtitles nia ngoulu de

Page 2

Naga Peace talk hai Centre's dung niu tachun khaimak jiu loilulak bam me: NSCN(I-M)

Page 2



Zengtung 25 Kanahhiu 2023, Kajannai -Office Gaililong, Tamei. PO-Tamei, Tml. Dist. Manipur Vol.II. Issue 16 page 1

“Pagu Saomakbo lungsiat situ malum mai, khatdi patu pingmai riga Rapiu niu phui bamme”

Tathoilui 33:12


Jammu DPS niu National Science Olympiad ga Gold doul mide



Jammu, kanah 24:

Delhi Public School Jammu gu ariaknah dungniu niu School jan kadibo phungwang bo nai palu pui-piu ju kadibo si National Science Olympiad ga GOLD medal douju phungwangkhai bi ye. National science Olympiad haisi Science Olympiad Foundation (SOF) niu 2022-23 leng marang khaibo we. India gu dithubo OLympiad exam leng ariaky 5000 kumbo niu registered thiukhaiju ariakna millions kumbo niu sibo exam khaibo we. Siga ngamlubo maidung si Jagrit Rajpal(IX-F), Sarvaan Gupta(IX-J), Taransh mahajan (VII-E) khatdi Ishvita Luthra(IX-B) palu we. DPS,jammu gu Principal Ruchi Chabra niu ka-ngambo mai dungtu khatdi palu pui-piu tu pachun wijiun thonkiu khaibo nai ncham palu tu majang khaibibo katipao DR.Paramjeet Singh tu thonkiuju kathuat khaiye.

APHELION event



Sonai 05:27 gasu aliuniu hai APHELION event adou sune. Kadih si naimik ga su pakhai katam mirabowe. Haibo si aliu mik niu ngouluak ge chiudi aliuniu silune.

....contd page 2

Rahul tu 2019 ga maitu din masha khaibo jengniu kavaangky ga takum nia khaira Surat gu tathu kyniu din mide



Surat, kanah 23:

Gujarat ga bam bo Surat gu ladjanky niu kajannai Congress gu Jupou Rahul Gandhi niu 2019 ga maitu din masha khaibo gu tathu jengniu kavaangky ga takum nia khaira dinmide.

Sibo ladjanky gu ladjanmai niu Rahul tu kavaangky ga khaira dinpadbo wan Rahul di tathu kyga bambo we. Rahul tu Tathuky gu Chief judicial magistrate HH Varma niu Indian Panel Code section 499 khatdi 500 gasu pamou madamkhaibo we khatdi patu bail pikhaiju tingmik pui 30 patu kavaangky ga khaira bogasu suspend kamkhaimide. sibo lung ga rahul niu tladjanky kadibo ga wangjiu appeal kamra sui khaimide chiuju Congress leaders's gu lawyer Babu Mangukiya niu dinne.

Rahul Gandhi niu 2019 parliamentary polls leng Karnataka ga campaign kamjiu panu ‘Dekamjiu Aga-katiu mai hina si Modi chiubo zanthin si bamkam jiulo’ chiubo lad maniu khaibo gasu BJP gu MLA Purnesh Modi Karai ga Surat city BJP unit gu bampi thiukhai bo piu niu tathu si Rahul riga khaibo we.

Kajannai nai LAdjanky ga dinkhaimibo lad sinu Rahul Gandhi gu Lok Sabha membership lam haisi di kamanang bo bam mideh, patu haisi Representation of the people Act gu provision sai suiiju Disqualified thiukhaibo suiye chiu dinne.

“Green Tree Academy ga Changam kubo”

- 1. Post of Counsellor/Psychologist** – 1 post (Female Qualification: Master Degree in Psychology (specialized in clinical or counselling psychology)“
- 2. Assistant Teacher (Pre-primary)** – 1 post (Female) Qualification: Graduate with Montessori Teachers Training (MTT) or Nursery Teacher Training (NTT)
- 3. Assistant Teacher (Primary)** – 1 post - (Female) Qualification: Graduate with Montessori Teachers Training (MTT) or Nursery Teacher Training (NTT)

Alamkhaira- 7005247150

Nagaland ga bam bo Municipal bodies khatdi Town councils dungniu Nagaland Municipal Act 2001 si amend kam maksai ULBs election ga joulak ge chiujuu chap khai mide



kohima, kanah 21:

Nagaland gu katamm tambo Municipal Bodies dung khatdi Town councils dungniu Urban Local Body, ULB election ga Nagaland assembly niu Nagaland Municipal Acts, NMA 2001 si amend kamkhai maksai joulak ge chiujuu chapkhai mide. Dimapur Urban Council gu Chairman, Zasivikho Zakiesato niu media mai ga haibo resolution si Kohima gstate ga kabam bo districts 10 gu town councils khatdi municipal bodies dungniu Kohima ga makhiam lujuu chapkhai mibo we chiujuu dinkhai ye. Towns 23 gu councils dung khatdi kohima municipal bodies ,Dimapur, mokokchung, Zunheboto, Wokha, Peren, Phek, Chumoukedima, Tseminyu khatdi Tuensang gu Municipal bodies dung aruanguju ULB gu elction tadkiu mak bo sung ga NMA 2001 hai amend kammilo chiujuu chapkhai mide.

NMA 2001 act ga dintou bam bo kasia Tax on land and Building chiubo si khoipad mira chiujuu Municipal khatdi town councils gu chapkhai ye chiujuu Zakiesato niu tanjuu dinne. khatdi siga npuimai leng reservation pibo lam ga makhiam

....contd page 2

Chalad N-bung

Indigenous: Khunlung mai chiw dinne

Liangmai Orthography

1.8. LIANGKHON KATI RABO ZAI

Lianglad katibo ga para kathiubo palam khat sirabo niu aliu lad hai English gu A B C sai suiuiu kati doa lakge. Lianglad nai English ra wadi ncham makge. Pakhon di tamme khatdi pakykhun (Language Family) di tamme. Lianglad niu Tibeto-Burman Family ye, English niu Indo-European lad ye. Siniu aliu Lianglad gu Class Room mide chiu sai aliu khon zai ga ma-ngiu khai lu kati ra kam rabowe. Liangmai Class gu Environment tamsinbo taliu raye. "Siniu Alphabet gasu suuiu aliu gu Grammar di makum mawi lu kati ra kam rabowe. Sizeng niu pariga Lianglad gu Alphabet leng pikhai bambo si aliu gu Sound System ga ma-ngiu (Base) khai lujiu kam pad khaibowe. Pariga din mibo kumjiu Liangmai ladjeng ga Vowel khon gasu padraibo habo donniu, Vowel hai chaladjeng n-gang ga (Middle Position ga), pakhon phapad ra leng, Example si taliu khai bamme. "Haibo machun (Aim) ra Lianglad ga Siugiak (Vowel) khon haisi, haichiuuiu phapad rabowe, Pronounce kam rabowe chiubo lengnge. Haibo System hai makimai lad (Meiteilon) maksai khomai lad (Hindi Devanagri), Bengali, etc.) tu alibo makge. Chiudi haisi Ancient India (4th Century BC) gu Linguist Panini niu kambo Grammar System ga ma-ngiu khajiu kambo guye. Haibo zai ga thainai World gu thiuiu International Phonetic Alphabet di ma-ngiu khajiu kam bamme. Chiudi haibo Alphabet gu Sequence ra kadiubo zai (Order) ga taliu khaine di suiye. Mathiuniu nchambo ga khaibo suiye.

APHELION event

Haibo wan ga weather agii diangbo si aliu si sipad ne. Aggii bo gasu kakhunbo, makhiubo khatdi asi thikasabo sidi padbo suiye. sijengniu aliu gu immune system tanra leng amaalun khatdi agu lungs si pi tankhaira bo tiu-tek tiu ra pageng bam me.

APHELION event hai kanahiuu kaloibo katang bam sune chiuwe. aphelion event sinuu kadit tu 152,000,000(15.2crore) km si naimik gasu adiumira ye, naimik nai kadit gu pakak si 5 light minutes ,9,00,00,000(9core)km bo we

Loksabha niu Rk.45 lakh Cr Budget hai makhiam makjiu pass thiumide



New delhi, kanah 23:

Union gu Budget rangkang 45 lakh crore kumbo hai kajannai Lok Sabha niu tingkum gu rangkang leng thiuiu Kajinghiu 1 gasu thinhomira leng makhiam thiumakjiu pass thiumide .Opposition dungniu JPC(joint parliamentary committee) Adani group ga kamou madam khaibo ga phiura taliukhaira khengjiu house ga kabuak mibo jengniu Union budgets haisi makhiam makjiu pass thiumibo we.

Lok sabha gu ruling MPs khatdi Opposition Mps dungniu Rahul gandhi tu pijiu pamou khengra khatdi Adani gu tathu lamga chakhon padjiu kabuak mibo donniu session palon nia mathak lujiu(adjourn) Grants khatdi Appropriation Bill hai pass thiukhaira House niu phungpad de. schiuuiu niabo Sesssion ga ruling nai Opposition mps dung kak ga suinimakbo lengjiu kabuak mibo donniu Budget si makhiam mak jiu pass thiumo we. Sichiuiu parliamentary budget gu two-third approval si minutes 12 kumbo gasu loikhaimide.

Tadkiubam bo parliamentary session haisi kajinghiu 6 ga loirabo we. Budget paper ga 2023-2024 total expenditure leng rk 45,03,097 crore hai machak padkhaibam bo we. khatdi Fiscal deficit lamga 5.9 percent hasi GDP gasu kam mana kiura ye.

Naga Peace talk hai Centre's dung niu tachun khaimak jiu loilulak bam me:NSCN(I-M)

Dimapur, kanah 23:

Isak-Muivah gu Faction NSCN(I_M) niu government of India tu Indo-Naga political Peace talk ga paliu lung khaimak bo u suinimak bo din mide.

44th Republic Day gu Changee dimapur Nagaland ga kanahiu 21 machannai changee jiu Qhehezu Tuccu NSCN(I-M) niu tingkum wahjiu npouwang mibo peace talk lamga India GOvernment niu paliu ladlui kalijiu bam mide chiuuiu dinne. Framework agreement Nkhamhiu 3,2015 ga kamkhai mibo tu Narendra Modi Government nu chakhuang thiukhaimakgeh chiuuiu Tuccu niu suinimakbo lad sidi dinkhai mide. Sibou Agreement ga roukhaimibo Naga flag khatdi constitution lamga aliu Naga mai matip jiu chap bam me khatdi India GOVERNMENT khuga sibou lam ga masanjii dinkhaimibo we sichiuiu aliu gu khengrang thiubo nai aliu Naga gu Unique History situ India gu Govt niu maning chakung thiukhaimak geh chiuuiu Dimapur ga Republic Day gu changee ga Tuccu niu dinne.

Nkhamhiu 3,2015 gu agreement ga khaibambo aliu gu Flag khatdi Constitution katam rabo lamga India GOVERNMENT niu suinimakmak bo donniu Indo-Naga political peace talk hai tad masuk kiu silak mibo we chiuuiu pahniu dinne khatdi India government niu Framework agreement kam khaimibo gu kakungbo situ kam maha ra kamjiu bam mide chiuuiu pahniu dinsan khaiye.

Chalad npaobam bosu tathuulu maksai, aliu Naga maidi ringra bo npuisi taliu mira ye, siga aliugu Historial khatdi political rights leng jengniu chariu khengkhai rabo si kung mak ge " chiu Tuccu niu taan jiu din khaiye.

NSCN(I-M) niu Naga Peace talk lamga 1997 lamsu suuiu papi thiulu majangjiu India GOVERNMENT tu npao wang mibo we.

Manipur maipui riliu Strela Luwang niu Femina Miss India 2023 gu subtitles nia ngoulu de

Imphal, kanah 23:

Thounajam Strela Luwang niu Femina Miss India 2023 ga Manipur mai sung thiuiu joukhai bo kum pahniu Femina Miss India gu subtitles nia , Colorbar Miss Glamorous Look gu title khatdi Trends Miss Style Icon gu title doulu we. Strela Luwang hai 2017 ga Miss Manipur title doukhaimibo we.

Femina Miss India grand finale hai Manipur ga kajinghiu 15 bonai tadkiu rabo we.

Nagaland ga bam bo Municipal bodies khatdi Town councils dungniu Nagaland Municipal Act 2001 si amend kam maksai ULBs election ga joulak ge chiuuiu chap khai mide

makge chiu jiu dinne chiudi NMA 2001 ga kabam bo pakhiang si review kamra pageng bam me chiuuiu dinne. Town khatdi Municipal bodies dungniu paliu gu Memorandum haisi di Municipal Affair department Nagaland gu Principle of secretary khuga pikhai mide .

Mathen Cham

4th Asian Kho Kho gu Title India niu lumide



Tamulpur(Assam). kanah 24:

4th Asian Kho Kho Championship gu title si India gu Npiumai khatdi npuimai team niu Ngamlu mide. India gu npiumai team niu Final si Tamulpur ga Nepal tu mathenjii points 6 gasu ngamlude, khatdi npuimai niu Nepal gu npuimai team tu final ga 33 points ganiu ngamlude.